



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀԻ ՏԵՂԱԿԱԼ

«10» մարտի 2023թ.

ք. Երևան

ՈՐՈՇՈՒՄ N 55-2023/15-Կ

ՎԱՐՉԱԿԱՆ ՎԱՐՈՒՅԹԸ ԿԱՍԵՑՆԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի նախագահի տեղակալ Ա. Մանուկյանն քննարկելով «ԿԱՐԵՆԳ» ՍՊԸ-ի /ՀՎՀՀ՝ 03540593/ տնօրեն Կարո Ենգիբարյանի վերաբերյալ վարչական վարույթի նյութերը

ՊԱՐԶԵՑԻ

Հիմք ընդունելով ՀՀ պետական եկամուտների կոմիտեի նախագահի 16.11.2022թ-ի թիվ ԱՀ 93522 հանձնարարագրի հիման վրա «ԿԱՐԵՆԳ» ՍՊԸ-ին /ՀՎՀՀ՝ 03540593/ պատկանող բանկային հաշիվներում առկա դրամական միջոցների վրա արգելանք կիրառելու մասին 16.11.2022թ-ին կայացված թիվ 93522 որոշումը, դրամարկղում առկա կանխիկ դրամական միջոցների վրա արգելանք կիրառելու մասին 23.12.2022թ-ին կայացված թիվ 93522/1 որոշումը, ղեկավարվելով ՀՀ հարկային օրենսգրքի 434-րդ հոդվածի 2-րդ մասով, դրամարկղում առկա կանխիկ դրամական միջոցների գույքագրման, ի պահ հանձնման, ինչպես նաև մուտքագրված և ելքագրված դրամական միջոցների շարժի ուսումնասիրության նպատակով 16.01.2023թ-ին /LO107591179AM/ փոստային ծառայության միջոցով «ԿԱՐԵՆԳ» ՍՊԸ-ի /ՀՎՀՀ՝ 03540593/ տնօրեն Կարո Ենգիբարյանին ուղարկվել է գրություն, որով առաջարկվել է գրությունը ստանալուց հետո եռօրյա ժամկետում դրամարկղային գրքով /գրքերով/ ներկայանալ ՀՀ պետական եկամուտների կոմիտեի իրավաբանական վարչություն՝ հարկ վճարողի դրամարկղում առկա կանխիկ դրամական միջոցների, ի պահ հանձնման, ինչպես նաև մուտքագրված և ելքագրված դրամական միջոցների շարժի ուսումնասիրության աշխատանքների կազմակերպման նպատակով, իսկ եթե Գրությունը ստանալու օրվան հաջորդող 3-րդ օրը համընկնում է ոչ աշխատանքային օրվա հետ, ապա ներկայանալ հաջորդող առաջին աշխատանքային օրը: Միաժամանակ նույն Գրությամբ տեղեկացվել է Օրենսգրքի 431-րդ հոդվածի 12-րդ մասով սահմանված՝ հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու դեպքում Վարչական իրավախախտումների վերաբերյալ ՀՀ օրենսգրքով սահմանված կարգով խոչընդոտման փաստի արձանագրման վերաբերյալ:

«ԿԱՐԵՆԳ» ՍՊԸ-ի /ՀՎՀՀ՝ 03540593/ տնօրեն Կարո Ենգիբարյանին 16.01.2023թ-ին փոստային ծառայության միջոցով /LO107591179AM/ ուղարկված գրությունը վերջինիս կողմից



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացի 3,7 Հեռ. +374 60 84 46 57
Կայք՝ www.petekamutner.am Էլ. փոստ՝ secretariat@petekamutner.am

ստացվել է 30.01.2023թ-ին, սակայն տնօրենը չի ներկայացել հարկային մարմին, չի ներկայացրել դրամարկղային գիրքը և չի ներկայացրել որևէ բացատրություն:

Համաձայն «Հարկատու 3» էԿՀ-ի տվյալների՝ «ԿԱՐԵՆԳ» ՍՊԸ-ն /ՀՎՀՀ՝ 03540593/ 23.12.2014թ-ին ստացել է թիվ 1070 դրամարկղային գիրքը:

Արդյունքում «ԿԱՐԵՆԳ» ՍՊԸ-ի /ՀՎՀՀ՝ 03540593, պետ. գրանցման համար՝ 42.110.835469, հասցե՝ Կոտայք, Զովաշեն, 10 փ., 16 Ա շենք/ տնօրեն Կարո Ենգիբարյանի /ՀԾՀ՝ 2304820311, նույն. քարտ՝ 010541910, տրված՝ 28.08.2018թ., 001-ի կողմից, հասցե՝ Կոտայք, Զովաշեն, 10 փ., 16 Ա շենք/ կողմից թույլ է տրվել արարք, որը համապատասխանում է Վարչական իրավախախտումների վերաբերյալ ՀՀ օրենսգրքի 182.6-րդ հոդվածի հատկանիշներին:

Նշված դեպքի առթիվ հարուցված վարչական վարույթի շրջանակներում վարչական իրավախախտման վերաբերյալ արձանագրության կազմմանը և նյութերի նախապատրաստմանը մասնակցելու նպատակով՝ «ԿԱՐԵՆԳ» ՍՊԸ-ի /ՀՎՀՀ՝ 03540593/ տնօրեն Կարո Ենգիբարյանին 04.03.2023 թվականին պատշաճ ծանուցում է ուղարկվել, սակայն 10.03.2023 թվականի դրությամբ ծանուցագիրը ստանալու փաստը հավաստող ապացույց առկա չէ, այսինքն վարչական վարույթի ընթացիկ փուլում պարզվել է, որ առկա են բավարար հիմքեր «02» մարտի 2023 թվականին հարուցված վարչական վարույթը կասեցնելու համար:

Հիմք ընդունելով այն հանգամանքը, որ անհնարին է տվյալ վարույթի արդյունքում ակնկալվող վարչական ակտի ընդունումը մինչև այդ ակտի հասցեատիրոջն ի հայտ բերելը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49 հոդվածի 1 մասի «գ» կետով.

ՈՐՈՇԵՑԻ

«ԿԱՐԵՆԳ» ՍՊ ընկերության /ՀՎՀՀ՝ 03540593/ տնօրեն Կարո Ենգիբարյանի նկատմամբ հարուցված վարչական վարույթը կասեցնել մինչև կասեցման համար հիմք հանդիսացող հանգամանքի վերանալը:



ԱՐԹՈՒՐ ՄԱՆՈՒԿՅԱՆ



ՔՅ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացի 3,7 Հեռ. +374 60 84 46 57
Կայք՝ www.petekamutner.am Էլ. փոստ՝ secretariat@petekamutner.am